

SIARAN MEDIA

20 Ogos 2011

CBMR-5-RFI-16-PTC-V1

FOR IMMEDIATE RELEASE

CYBERSECURITY MALAYSIA RAI ANAK ANAK YATIM

Program tahunan pusat pakar keselamatan siber Nasional dan sebahagian daripada program bagi memenuhi tanggungjawab korporat sosial agensi berkenaan

(IPOH, Perak) – Dalam kita menjalani ibadah puasa di bulan Ramadhan yang Mulia ini, mereka yang terdiri dari golongan kurang bernasib baik pasti tidak dilupakan. Justeru, pada tahun ini CyberSecurity Malaysia – sebuah agensi di bawah Kementerian Sains, Teknologi dan Inovasi (MOSTI), sekali lagi melaksanakan Program Tunas Cemerlang atau ringkasnya TC, yang merupakan sebahagian daripada program CyberSecurity Malaysia dalam memenuhi tanggungjawab sosial korporat atau CSR.

Melalui Program TC Shopping Raya 2011, seramai 42 anak-anak yatim dari rumah kebajikan Bait Al Amin, Kg. Tengah, Parit, Perak Darul Ridzuan telah dibawa membeli belah di Jusco Kinta City, Ipoh. Program ini berlangsung pada 20 Ogos 2011 (Sabtu) dan dijayakan dengan kerjasama mahasiswa dan mahasiswi Universiti Teknologi Petronas (UTP).

“Ini merupakan Program TC Shopping Raya kami yang ke-3 dan ia merupakan aktiviti tahunan CyberSecurity Malaysia apabila menjelang Hari Raya Aidil Fitri.” Kata YBhg. Lt Col Prof Dato’ Husin Jazri (Bersara), Ketua Pegawai Eksekutif, CyberSecurity Malaysia.

Program Tunas Cemerlang merupakan inisiatif CSR CyberSecurity Malaysia dan disokong oleh mahasiswa dan mahasiswi Universiti Teknologi Petronas (UTP) yang berperanan sebagai mentor dan fasilitator kepada anak-anak Bait Al-Amin dalam membantu perkembangan anak-anak yatim ini dari sudut akademik dan juga sosial di sepanjang tahun akademik mereka.

Menurut Dato’ Husin lagi “program ini diadakan untuk memberi peluang kepada orang anak-anak yatim dari Bait Al-Amin untuk merasai kemeriahan sambutan Hari Raya Aidilfitri dengan menikmati kelengkapan baru seperti pakaian, kasut supaya mereka juga merasai suasana Hari Raya seperti kanak-kanak lain yang lebih bernasib baik.”

Terdahulu, CyberSecurity Malaysia telah menubuhkan Pusat Multimedia Al-Jazari di Bait Al-Amin bagi memberi kemudahan berkomputer kepada anak-anak di rumah kebajikan tersebut di samping mendidik mereka mengenai asas-asas penggunaan Internet secara positif. Pusat Multimedia itu turut membantu anak-anak tersebut menyelesaikan kerja-kerja sekolah harian dan juga supaya mereka tidak ketinggalan mengikuti perkembangan teknologi masa kini serta dapat bergerak maju setanding kanak-kanak di kawasan bandar di era kepesatan digital ini. Pusat Multimedia Bait Al-Amin kini mempunyai kelengkapan multimedia yang terdiri dari 10 komputer, paparan projektor, layar putih dan juga mesin cetak dan pengimbas.



~ End ~

CyberSecurity Malaysia is the national specialist centre for cyber security, under the purview of the Ministry of Science, Technology and Innovation (MOSTI). For additional information, please visit our website at <http://www.cybersecurity.my>. For general inquiry, please email to: info@cybersecurity.my. Follow us on social networks: www.facebook.com ("CyberSecurity Malaysia" fan page) and www.twitter.com/cybersecuritymy

For further enquiries about this document, please feel free to call +603-89460999, Mohd Shamil Mohd Yusoff (ext: 0895) or shamil@cybersecurity.my / Sandra Isnaji (ext: 0867) or sandra@cybersecurity.my

